
OFFERYNNAU STATUDOL CYMRU

2011 Rhif 655 (Cy.93)

BWYD, CYMRU

Rheoliadau Ychwanegion Bwyd (Cymru) (Diwygio) 2011

| | |
|-----------------------------------|----------------|
| <i>Gwnaed</i> - - - - | 5 Mawrth 2011 |
| <i>Gosodwyd gerbron Cynulliad</i> | |
| <i>Cenedlaethol Cymru</i> - - | 8 Mawrth 2011 |
| <i>Yn dod i rym</i> - - | 31 Mawrth 2011 |

Mae Gweinidogion Cymru'n gwneud y Rheoliadau a ganlyn drwy arfer y pwerau a roddwyd gan adrannau 16(1)(a) ac (f), 17(1) a 48(1) o Ddeddf Diogelwch Bwyd 1990(1) ac sydd bellach wedi eu breinio ynddynt hwy(2).

Yn unol ag adran 48(4A) o'r Ddeddf honno, maent wedi rhoi sylw i gyngor perthnasol a roddwyd gan yr Asiantaeth Safonau Bwyd.

Fel sy'n ofynnol gan Erthygl 9 o Reoliad (EC) Rhif 178/2002 Senedd Ewrop a'r Cyngor, sy'n gosod egwyddorion cyffredinol a gofynion cyfraith bwyd, yn sefydlu Awdurdod Diogelwch Bwyd Ewrop ac sy'n gosod gweithdrefnau o ran materion diogelwch bwyd(3), cafwyd ymgynghori agored a thryloyw â'r cyhoedd yn ystod cyfnod paratoi a gwerthuso'r Rheoliadau hyn.

Enwi a chychwyn

1. Enw'r Rheoliadau hyn yw Rheoliadau Ychwanegion Bwyd (Cymru) (Diwygio) 2011, a deuant i rym ar 31 Mawrth 2011.

-
- (1) 1990 p.16. Amnewidiwyd adran 1(1) a (2) (y diffiniad o "food") gan O.S. 2004/2990. Diwygiwyd adrannau 17 a 48 gan baragraffau 12 a 21 yn eu trefn o Atodlen 5 i Ddeddf Safonau Bwyd 1999 (1999 p.28), "Deddf 1999". Diwygiwyd adran 48 hefyd gan O.S. 2004/2990. Diwygiwyd adran 26(3) gan Atodlen 6 i Ddeddf 1999. Diwygiwyd adran 53(2) gan baragraff 19 o Atodlen 16 i Ddeddf Dadreoleiddio a Chontractio Allan 1994 (1994 p.40), Atodlen 6 i Ddeddf 1999, O.S. 2004/2990 ac O.S. 2004/3279.
- (2) Trosglwyddwyd swyddogaethau oedd gynt yn arferadwy gan "the Ministers" (sef, mewn perthynas â Chymru a Lloegr ac yn gweithredu ar y cyd, y Gweinidog dros Amaeth, Pysgodfeydd a Bwyd a'r Ysgrifenyddion Gwledig oedd â chyfrifoldeb yn eu tro dros iechyd yn Lloegr a bwyd ac iechyd yng Nghymru ac, mewn perthynas â'r Alban, yr Ysgrifennydd Gwladol), i'r graddau y maent yn arferadwy o ran Cymru, i Gynulliad Cenedlaethol Cymru gan Orchymyn Cynulliad Cenedlaethol Cymru (Trosglwyddo Swyddogaethau) 1999 (O.S. 1999/672) fel y'i darllenir gydag adran 40(3) o Ddeddf 1999, ac maent bellach wedi eu breinio yng Ngweinidogion Cymru yn rhinwedd adran 162 o Ddeddf Llywodraeth Cymru 2006 (2006 p.32) a pharagraff 30 o Atodlen 11 iddi.
- (3) OJ Rhif L31, 1.2.2002, t.1. Diwygiwyd y Rheoliad hwnnw ddiwethaf gan Reoliad y Comisiwn (EC) Rhif 596/2009 Senedd Ewrop a'r Cyngor sy'n addasu nifer o offerynnau'n ddarostyngedig i'r weithdrefn y cyfeirir ati yn Erthygl 251 o'r cytuniad i Benderfyniad y Cyngor 1999/468/EC mewn perthynas â'r weithdrefn reoleiddiol gyda chraffu: Addasu'r weithdrefn reoleiddiol gyda chraffu — Rhan Pedwar (OJ Rhif L188, 18.7.2009, t.14).

Diwygio Rheoliadau Ychwanegion Bwyd (Cymru) 2009

2.—(1) Diwygir Rheoliadau Ychwanegion Bwyd (Cymru) 2009⁽⁴⁾ yn unol â pharagraff (2).

(2) Ym mharagraff (1) o reoliad 2 (dehongli)—

- (a) ar ddiwedd y diffiniad o “Cyfarwyddeb 08/60” ychwaneger yr ymadrodd “fel y'i diwygir gan Gyfarwyddeb y Comisiwn 2010/37/EU sy'n diwygio Cyfarwyddeb 2008/60 sy'n pennu meini prawf purdeb penodol ar gyfer melysyddion”; a
- (b) ar ddiwedd y diffiniad o “Cyfarwyddeb 08/84” ychwaneger yr ymadrodd “fel y'i diwygir gan Gyfarwyddeb y Comisiwn 2010/67/EU sy'n diwygio Cyfarwyddeb 2008/84 sy'n pennu meini prawf purdeb penodol ar gyfer ychwanegion bwyd ac eithrio lliwiau a melysyddion”.

Gwenda Thomas

Y Dirprwy Weinidog dros Wasanaethau
Cymdeithasol, o dan awdurdod y Gweinidog
dros Iechyd a Gwasanaethau Cymdeithasol, un o
Weinidogion Cymru

5 Mawrth 2011

(4) O.S. 2009/3378 (Cy.300).

EXPLANATORY NOTE

(Nid yw'r nodyn hwn yn rhan o'r Rheoliadau)

1. Mae'r Rheoliadau hyn yn rhoi ar waith yng Nghymru ddwy Gyfarwyddeb Ewropeaidd sy'n ymwneud â meini prawf purdeb ar gyfer rhai ychwanegion bwyd (“y Cyfarwyddebau sy'n diwygio”). Y canlynol yw'r Cyfarwyddebau sy'n diwygio—

- (a) Cyfarwyddeb y Comisiwn 2010/37/EU sy'n diwygio Cyfarwyddeb [2008/60/EC](#) sy'n pennu meini prawf purdeb penodol ar gyfer melysyddion (OJ Rhif L152, 18.6.2010, t.12);
a
- (b) Cyfarwyddeb y Comisiwn 2010/67/EU sy'n diwygio Cyfarwyddeb [2008/84/EC](#) sy'n pennu meini prawf purdeb penodol ar gyfer ychwanegion bwyd ac eithrio lliwiau a melysyddion (OJ Rhif L277, 21.10.2010, t.17).

2. Mae'r Rheoliadau hyn yn rhoi ar waith y Cyfarwyddebau sy'n diwygio drwy wneud diwygiadau i reoliad 2 o Reoliadau Ychwanegion Bwyd (Cymru) 2009 ([O.S. 2009/3378 \(Cy.300\)](#)) fel bod y diffiniadau o Gyfarwyddeb 08/60 a Chyfarwyddeb 08/84 yn y rheoliad hwnnw'n cynnwys cyfeiriad at y Gyfarwyddeb berthnasol sy'n diwygio (rheoliad 2(2)).